

陳坤培自置

怒碎銀安殿

劇中人

鍾孝全

當劇者

式峯

(第壹場)

(披星頭開幕)

(沖頭，甲乙番將上介白)有請大王

(禾花出水，匈奴王，手下上)

(匈奴英雄白)準備雄師來入寇。不滅中原誓不休。。(口古)問句兩卿可曾通知毛國舅。人馬是否

齊備，快些說從頭。。

(甲乙番將白)通知齊備了

(匈奴王白)待孤王一觀(車身介)三搭箭威也好介(工花下句)且看萬馬千軍，都是英雄俊秀。長

驅直搗，殺他片甲不留。。眾三軍(介)快準備馬兒，沙場路走。(祭旗，走南蛇介)

(奴王花下句)且看軍容浩蕩，建立功勞。。(率眾下)

(落幕)

(第貳場)

(開邊起幕)

(訴冤頭，枚子、張劍芳上唱)恨恨恨天不把奴憐憫(雙)歷劫重重困，淚落沾衿(哭相思介)

(枚子白杭)我勸夫人(雙)無謂日夕淚紛紛，老爺對你雖然唔好感，因為未明你心悃，少爺並非係

薄倖，使乜日日咁憂心(雙)

(劍芳花下句)郎雖非存薄倖，惟嘆一句我命生不辰。(中板)想我張劍芳，嫁夫多情，可謂三生，

有幸。又誰知，家翁耿介，係一個古板，老人。在家庭，啼笑皆非，受盡諸多，斥擯。我夫
郎，心存孝道，不敢有礙，嚴親。順哥情，將夫妻分離，不許時常，親近。可憐我，孤幃自

守徒傷神。(轉花)但願有力東風莫使名花有恨。

(枚子白杭)少奶亦唔好時時咁傷心，睇你嘅顏瘦損已難堪，衣裳快縫好，免致老爺追你失魂(雙)

(劍芳花下句)為存孝道笑罵由人。心事滿懷聊寄縫紉。(早天雷譜子縫衣介)

(食住譜子鍾孝存閃縮上唱長句花下句) 慚愧甚(雙)，未敢違負嚴親訓，爹爹不許伴釵裙，翁媳失和生惡感，我難為左右不禁意亂紛紛。(介) 劍芳好品行(雙) 因何亞爹惡之甚，令嬌愁怨

掩袖顰，為慰芳心惟有偷偷來慰問。(早天雷閃縮入介見妻欲言不敢呆立芳後介)

(劍芳不知向後一拮中全鼻反頭驚介口古) 原來係亞夫郎我連忙檢衽。(介)

(枚子口古) 少爺，點解你咁大膽番嚟呢處，唔怕老爺見到鬧你一身。

(劍芳口古) 多事幹，快的出去外邊，咪响處胡胡混混。

(枚子關目口古) 我通氣嘅你地慢慢談吓心。(下介)

(孝全口古) 妻呀，你獨守香閨，有冇將郎怨恨。

(劍芳口古) 冇冇我點敢將郎怨恨，我日日重開心。

(孝全口古) 妻呀，我知你雖笑於人前但係心則苦甚。

(劍芳口古) 我並無怨恨只怨一聲(咽介) 一句命生不辰。

(孝全口古) 雖之有口難言惟望妻你諒我心悃。

(劍芳口古) 我明嘅，你唔好多留嘞，如果老爺知道又試惹起風雲嘍。

(孝全花下句) 芳妹你放開懷抱莫再傷心。。(反線中板) 望嬌妻，諒我衷情，莫將個郎，怨恨。老

人家，生成耿介，至有遷怒，釵裙。。最驚奇，妻你品性賢良，竟與嚴親，無緣份。老人心，有若孩子，望嬌莫記，於心。。更望嬌，賞面於吾，莫與老人，生惡感。終有日，前嫌盡釋，

便明白，你苦心。。(花) 雖之我負嬌卿不心存薄倖。(介)

(劍芳乙反長句二王下句) 薄命之身，死何足憾，生成苦命自偷顰，此身縱然成不幸，寧甘忍耐，答謝郎你，深恩。。(介) 無術待翁，至令老人，怒忿。怎敢將老人仇視，更不怨天，尤人。。

打罵隨他，儂亦泰然，耐忍。(介)

(孝全乙反芙蓉中板下句) 妻你人格偉大，更令我慚愧，萬分。孝順親，希望天憐憫。終現明月，散浮雲。勸句嬌妻過於痛感。憂勞過度易傷人。(花) 妻你笑面迎人春山愁禁。(白) 笑吓喇

(劍芳苦笑介)

(孝全白) 呢的係苦笑唔得我笑得自自然然，你笑喇

(劍芳笑介) 哈哈(拉笑相思介)

(孝全乙反流水南音) 妻你無謂生感，你笑更令我難堪。我欲惜花陰為己任。東風無力護花魂。翹首向天來一問。(雙) 轉二王下句) 因何苦難，咄咄迫人。但願一夜東風，吹散愁雲，陣陣。(介)

(靈芝卸上聽介)

(劍芳白忤) 我勸夫君(雙) 毋須為我來傷心，侍奉家翁奴責任，未敢違命逆老人，你即速離開無痴

甚，家翁嚟到又起風雲（雙）（白）你快的扯喇

（靈芝關目下介）

（孝全花下句）妻你唔憂慮，爹爹未必會來臨。。叫我離開，問心何忍。。

（鍾于君內場白）好膽，好膽，好膽

（孝全劍芳聞聲慌介）

（于君持鑊，靈芝力力古上，仄頭推磨過位，拍轉身二人跪低介）

（于君連環西皮）真真火滾（雙）畜生賤人教法全無，□議雙親

（孝全劍芳同唱沉花下句）爹爹老爺，你大量容人

（于君撲燈蛾）罵賤人，罵畜生（介）你行為太放恣（指全介）（再指芳）迷夫君，不求上進，終日

昏昏沌沌，睇見你個賤人，面目太可憎，傳家金鑊有何用，說與夫知聞（雙）（金鑊示威介）

（孝全花）傳金鑊暗自失魂，專打不肖子孫，你兒自當記緊。

（于君工花）兒孫不肖亦在鑊下喪身。。我叫你唔好日日到來，點解你偷偷同老婆親近。

（劍芳花下句）郎你速即離去，免觸怒你父親。。老爺原諒我無術相夫，更不稍平怒憤。（介）

（于君白）婢美妾嬌非閨房之福呀乖仔（花下句）呸，一日都係你個婦不是，攪到亞全散曬個心。。

往日個個亞全，非今日為之甚。（口古）亞全，點解你唔溫習武功，預備將來雄心一振。終日

迷戀女色，甘作一個墮落之人。。為父盤你一盤，問你一問。

（孝全口古）爹爹有何教訓，請說原因。

（于君照迫仔上馬排場問忠孝介）

（孝全照答介）

（于君口古）不孝不忠，你有否在心記緊。

（劍芳口古）老爺，夫郎時都記住嘅，並非掩耳不聞。。

（于君口古）呸，唔准你咀咀聲，家公講嘢，新抱無謂加多一份。

(孝全口古) 亞爹總之你叫我點就點，我定依你而行。

(于君口古) 好喇，你往日習熟的文武功夫，現在不應處在家園棲戀，今日在朝上保舉你征伐匈奴，

統領三軍，你若果知道忠孝兩全，即速前往赴任。若有違抗，呢枝金鑊要你命喪三軍。(介)

(孝全花下句) 孩兒去後，誰個定省晨昏。我細佬從師雲遊，我亦膝下遠離，惶恐實甚。

(于君龍舟) 可憎可恨，講得爛咁孝心。唔願離家而去借意話侍奉老人。實係唔捨得嬌妻，花容似

錦。消沉壯志，腦亂神昏。我地詩禮傳家，你敢違慈訓，唔去就搵豬籠浸。你精就出仕行。

(介)

(劍芳拉全三腳橈) 郎應從父命，免至佢火焚。話我戀郎君，□妬我更甚。

(于君先鋒鉞拉全過衣邊白) 吓(石榴花中段) 真令我心火忿(雙) 攔阻夫君，罵問畜生(介)

(孝全手托) 爹爹亞咪個怒氣生嗔，且聽兒有話言陳，佢勵勉，我為國忠心(介)

(于君花下句) 男兒為國不應眷戀釵裙。快些隨出堂，否則國家幸甚。(與全下介)

(食住雙思，伯忠張美芬上介)

(美芬口古) 家姐，又試因乜嘢可傷心，要顧住身子為要緊。

(忠伯口古) 係咯少奶有事，唔使咁認真。

(劍芳口古) 亞妹，重有乜事情，成日都唔得家翁憐憫。

(美芬口古) 噏咗，個個老嘢頑固夾古板，係打到佢額裂頭崩。隔開少年夫妻，可算萬分殘忍。

(忠伯口古) 老爺雖係性情古板，別有一番苦心。想個仔為國立功如歌訓。老婆靚就唔要命，日温

夜温。

(劍芳口古) 此後耀祖光宗，老爺保舉佢邊關赴任。

(美芬口古) 丈夫有官做，你都唔安樂架，使乜暗自愁顰。(禿頭長句二王) 姊莫傷心，此生怨恨，

姊夫心事本無塵，既得功名完大任，此後夫榮妻貴，家翁也要懼你，三分。(介) 何必咁憂

愁，本當，慶幸。

(忠伯板眼)我忙道告，講白原因。老爺無非想個仔做猛人。所以就家法森嚴，都係叻番一陣。而家少爺有官做，佢就一定開心。此後佢亦唔使多恨。(雙)(轉二王下句)總之你助守婦道，搏佢歡心。總希少爺立功，自可驅愁雲，陣陣。(介)

(劍芳口古)唉，可惜離別依依，都唔能夠訴奴心悃。

(美芬口古)不如設法搵姊丈再會一面，訴盡你兩個痴心。

(三人想介)

(大花，鍾正義上唱下句)隨師習藝不覺有一載光陰。今日路過家園，都要向嚴親慰問。(介)

(劍芳錯認正義為夫口古)郎呀，你做乜野官，幾時至上任。(拖正義手介)

(美芬口古)姊夫，我地想設法子見你一面，好在你返家行。

(正義口古)呸，你個賤人何得無禮，不知廉恥，亂叫夫君。

(忠伯口古)少爺，你唔好整得咁正經喇，快的向你妻房慰問。

(美芬口古) 姊夫，你使乜惺惺作態，快的同家姐相親。

(正義口古) 吓，連忠伯你都懵得咁交關，你地認真喇，我係鍾正義，二少爺丫嗎，點解多兩位紅粉。

(三人大仄才介)

(忠伯認耳口古) 哦，冇錯喇，耳仔有痣嘅，少爺突然回來，呢個就係新娶嫂嫂(介)呢位就係令妹，

方才認錯人，真好笑得甚。(介紹介)

(劍芳拜叔叔介)

(正義口古) 原來如此，請恕我方才禮敬不合，亞哥去了何芳，請言底蘊。堂前寂靜，不見了老父嚴

親。

(忠伯花下句) 老爺同大少爺正話離家上殿，封佢做將軍。所以一見你面就問你做乜嘢官，因為你

兄弟同埋個餅印。

(正義花下句) 而家奸臣當道，亞爹點解頭腦紛紜。萬一失慎之時，便至終身抱憾。(白) 忠伯，

你即刻叫佢番嚟

(美芬花下句) 令尊非常古板，的性情好似閻羅番生。。成日都失意功名，棧得佢鬧你胡混。

(劍芳花下句) 亞妹你唔好咁多事幹，開口就得罪人。。你老爺的確耿介非常，佢未必允肯。

(沖頭，道童上白) 師兄，師父在外面等你好耐喇，叫你快的起行嘞，搭船去別處，船就開行嘞。。

(正義花下句) 好嘞咁就隨師父而去，第日番嚟至搵父親。。忠伯你同我去見吓亞哥，以免前途危困。

(介)

(于君撞上大仄才戲姐己) 真可恨(雙)帶你上朝走番轉頭，不守嚴訓(一批)

(正義沉花) 噏咁地，亞爹你認真人

(忠伯口古) 呢個係二少爺，連你都錯認他真係笑話得很。

(于君口古) 呀，原來正義咁快學得武藝滿身。。

(正義口古) 隨師雲遊，順便回家把金安叩問。而家師父係外邊等我，介紹亞爹相識吓，然後起行。。

（與于君同下介）

（沖頭，步將口古）夫人，少爺叫我返嚟，有言奉稟，佢而家祭旗出發，無暇返家辭行。

（美芬花）家姐既然姐夫唔能夠返嚟，不如往法場送行，表表夫妻情份。

（劍芳花下句）又恐老爺知道，又試起風雲。都係不去為佳，免至見面時又至傷心一陣。

（忠伯花下句）我以為點都要去見一面，因為呢次乃係最後一勻。（介）

（美芬白）咪咪咁講架

（忠伯花）因為兵兇戰危，難保佢前途安穩。

（美芬花下句）忠伯你言之不利，講說話都太過失魂。好嘅唔靈醜嘅靈（一才）咪咪連我都咁混沌。

（劍芳花下句）上親戰陣，都係危險架，都係一會郎君。

（落幕）

(第三場) (山景)

(高邊鑼，披星頭起幕)

(大笛大首板一句)(陳左龍，麥右虎內唱)森嚴陣勢。

(力力古，左龍右虎上，手下同上介)(四古頭架)

(左龍口古)滿天盡是星旗蔽。

(右虎口古)陣容雄壯又整齊也。

(左龍慢板下句)眾三軍，精神大，殺敵如坭。

(右虎慢板)振神威，來奮鬥，鬥將匈奴摧毀。

(左龍花下句)陣容雄壯，為國爭光，前去疆場勿遲滯。(圓台手下花開門介)

(右虎花)好喇，你地企得齊齊整整，等候元戎檢查陣勢。(眾背台介)

(鑼邊大花，堂旦，孝全打馬上介)(花下句)身為統帥顯雄威。趕到較場檢查一切。(叶)(下馬

開邊入介)

(孝全白) 人馬可曾齊備

(龍虎兩人白) 齊備多時，元戎檢閱

(孝全白) 代某一觀(車身觀看介)

(手下堂旦喝可介)

(孝全白) 好好好(快點下句) 陣容浩蕩振神威。馬壯人強誰不畏。兵堅甲利甚整齊。排隊起程

毋延滯。

(內唱白) 夫郎慢走

(力力古，劍芳美芬忠伯上介)

(全與芳，龍與芬同哭相思介)

(忠伯見兩人哭相思，亦抱住右虎哭相思介)

(劍芳口古) 郎呀，今日出戰匈奴，起居飲食要仔細。

(孝全口古) 得嘞，妻你自為保重，免至瘦減腰圍。。

(美芬口古) 龍哥，你遠戍邊疆，應要保重你貴體。

(左龍口古) 你放心喇，我會自己檢點嘅，唔使掛住嘅未婚妻。

(忠伯口古) 老婆(對虎)個大佬番風着多件衫，冷着之時冇人同你抹鼻涕。(介)

(右虎口古) 唔好取笑佢地嘞，生離死別一定會有哭哭啼啼。。

(孝全口古) 妻呀，家父嘅性情，你已知得詳細。望你多多遷就，莫個抱恨深閨。。

(劍芳口古) 總之我代你定省晨昏，受氣之時有忠伯安慰。

(忠伯口古) 得嘞，包管你扭紋老豆唔會難為你個掂紋妻。。

(美芬口古) 車，忠伯乜你的言詞亂講亂啼架。

(右虎口古) 佢(指忠)呢世最好講笑，沉悶嘅空氣最好佢調解。

(左龍口古) 忠伯，我嘅未婚妻如果屈屈亦願望你時加解慰。

(孝全口古) 忠伯你時時代我照料家庭嘅事幹，並且將我妻提携。。

(忠伯口古) 得嘞，你唔使擔心，我隨便托妻生仔。

(劍芳口古) 睬，點解你講得咁無稽。。

(忠伯口古) 唔係無稽，此為你六甲身懷，豈不是托妻生仔，仔嘞你□一便心進行軍事，消災消難避

去兇危

(右虎花下句) 大師時候不早，請你速速指將

(孝全仄頭花) 就此登途，免將時光荒廢。

(芳芬同哭相思介)

(忠伯花下句) 唔好喊咯，少爺交落兩個比我管束，你地要絕對受我指揮。。未經我許可之時，不准

你地亂流鼻涕。不准你地偷食狗虱醋臭咸旦與共屎坑雞。。(同下)

（落幕）

(第四場) (山景)

(沖頭，匈奴王、番將、手下什邊上)左龍、右虎、堂旦衣邊上)大戰，龍虎大敗下)匈奴三答箭介)

(沖頭，孝全、堂旦搭住槍問姓名，打介，匈奴敗下，孝全追下)

(花，毛良上唱)我私通匈奴，平分土地。至怕臨時反悔曬心機。偷偷與番奴，細談此事。

(沖頭，匈奴番將上介)

(毛良口古)大王，我冒險到戰場，正想搵你。

(匈奴口古)你搵我何事，直說一詞。

(毛良口古)平分江山，要簽張字據。

(匈奴口古)呢的事慢慢正講都未遲。個個鍾孝全英勇非常，認真犀利。你要想吓法子，把佢剷除。

(毛良口古)得得得，我有良謀法子。好比當年秦檜害岳飛。先招佢回朝，把他官職革去。

革職之後你馬上起兵到京師。寫封信交俾我天子。要求將孝全人頭送出，你地立即班師。

(匈奴白) 妙計嚙 (花下句) 分頭行事莫遲延。 (分下)

(落幕)

(第五場)

(金殿景)

(開邊起幕)

(碎牌，毛良奉本章、西宮、正宮、王門官上介，有請主上介)

(慢板頭一句漢劉王唱)擊鼓敲鐘，催王登殿，金鑾路往。

(小開門，堂旦、宮女、劉皇唱上介)

(眾人參見介)

(劉王口古)眾卿催孤臨朝，有何見奏。

(正宮口古)國家有事奏君王。。

(劉王口古)有何本章，准即奏上。

(毛良口古)邊關守將鍾孝全也曾打場小勝仗。

(劉王口古)雖然小勝，令孤笑口洋洋。。

（毛良口古）惟是鍾孝全小勝而驕，行為放浪。欺凌百姓，主上需要懲戒無良。。

（劉王仄頭工花下句）若然不將他懲戒，難免越弄越囂張。。國法擔行，懲戒吓佢免佢胡塗混帳。

（正宮花下句）王上需要查明為要，免至屈枉忠良。。或者妒忌佢立功，從中毀謗。（關目主上介）

（劉王點首口古）國舅你唔好枉屈好人係嚟，不能捉風陷人於法網。是非曲直要慢慢參詳。。

（西宮口古）國舅你唔好冤枉好人，係處口爽。（關目介）有無証據奏王君。。

（毛良花下句）有憑有據，並非冤枉。（呈本章介）軍民痛恨，告佢有十度本章。。

（劉王仄頭看介口古）張張都係鍾孝全，告佢胡塗混帳。

（西宮眉丰口古）主上亞主上，莽虎為患，將來有亂朝綱。。

（正宮口古）主上，鍾孝全數代忠良，斷不有不法到咁樣。

（毛良口古）本本奏他，豈有不法說話雌黃。。

（劉王口古）好喇，待孤查吓先，然後定案。

(西宮口古) 主上而家有憑有據，仲使乜查呀，咁你立咗姑息心腸。。(發嬌介) 辦佢

(劉王花下句) 好喇咁就先傳御旨，着佢速返朝堂。。代他回朝，審明罪狀。(寫出交王門官介)

(毛良大驚小怪云唔妥叻唔妥介)

(劉王問國舅何解介)

(毛良花下句) 我睇主上雖傳聖旨，佢亦當平常。。佢一生最畏嚴親，最好宣他往。

(劉王仄頭白) 係嚟，內臣即傳鍾于君上殿

(堂旦照宣介)

(快點下句，鍾于君上) 忽聞宣喚走忙忙。。身受王恩深浩蕩。(入門介花) 三呼萬歲拜君王。。(收

拜賜坐下)(口古) 王上宣臣何事幹。

(劉王口古) 無錯，你兒在邊關不法，太過荒唐。。欺壓百姓，萬民怨唱。部下官將，不服尅扣軍糧。。

(于君仄頭介)

（毛良口古）有各路本章証明佢行為放蕩。

（于君這個口古）望主上將本章賜閱，看佢怎樣猖狂。

（劉王白）如此，拿看便是

（于君看本章仄頭下句）畜生果然無狀，太過囂張。待臣傳令着金鑾赴邊關，懲他狂妄。

（毛良冷笑三答箭介）

（于君口古）毛國舅，你冷笑鼻聲，究竟你笑誰人，言其狀況。

（毛良口古）我笑你愛子情切，怎忍令佢命亡。

（于君的的撐力力古口古）王法無親，豈敢殉情賣放。我若不懲此逆子，我亦不見君王。請王上御

筆親揮，以明君志向。

（毛良口古）鍾將軍果然忠耿，下旨又何妨。

（劉王寫旨完快點下句）待孤下甸去前方。召他回朝來定案。（寫完交介）

(于君快點) 謝王賜旨召兒郎。拜令登程邊關路往。(別下)

(劉王花下句) 眾卿無事上奏，即退朝堂。(同下)

(正宮留場大水波浪介口古) 國舅同埋西宮一定串同陷人以罪狀。我先將鍾卿攔阻，免受暗箭所傷。

(落幕)

(第六場) (廳堂景)

(士工慢板序) (劍芳、美芬上)

(劍芳唱慢板) 念痴郎

(美芬接唱) 憶愛侶

(劍芳接唱) 相思

(美芬接唱) 莫寄。

(劍芳慢板) 同病相憐

(美芬接) 相憐同病

(劍芳接) 一樣

(美芬接) 淒其。。(轉七字清中板) 望斷翠樓人未至。

(劍芳接七字清中板) 恨無慧劍斬情絲。。午夜夢迴愁難已。

(美芬接) 每教奴婢打鶯兒。。惱煞啼聲掠夢寐。

(劍芳接) 堪憐病骨苦支離。。

(兩人合唱) 沉寂深閨，嘗盡相思苦味。(拉士腔介)

(忠伯尋針上笑叫介) 哈哈(口古) 你姐妹一碰頭，講親都係相思兩字。顧住相思入骨，就有藥醫。。

(長句露字花下句) 姐相思，妹相思，你相思我未相思，面口拿埋苦過咁，顏容日瘦卻為情痴。。(介) 太不是(雙) 難怪忠伯好管閒事，你地要放開懷抱自歡娛，若果你想唔相思，等

我教你地一個法子。(介)

(劍芳口古) 忠伯，你怎能替我地分憂，你有乜法子。

(美芬口古) 有乜法子可以解除幽恨，請忠伯講過我地知喇。。

(忠伯口古) 之咁，你地相信我之時，然後至行得易。

(劍芳口古) 咁梗係相信喇，邊個想愁城長鎖，梗係成日想笑哈嘍。。

（美芬口古）忠伯咁點樣啲，快的講出咪咁長氣。

（忠伯口古）我响搵卡喺學番嚟嘅哲學，你聽我一詞。。（龍舟）我呢個法子，你地聽咗一定笑嘻嘻。

只要翕埋對荔枝龍眼（介）就變化離奇。。呢的係用精神見面，冇咁好味。（介）（關目笑如鬼

上身介）

（芳、芬兩人追問白）做乜野啫忠伯

（忠伯白）冇野嘞，你兩個翕埋雙眼，凝住個老公企响你身邊

（兩人翕埋眼介）

（忠伯續龍舟）兩個喁喁細語（介）拍拖入去買飛。。入到域多利大堂睇大戲。睇完大戲，慢慢行番

出嚟。。又買兩斤荔枝，遊到倦之時就番屋企。（雙）呢的叫做精神安慰，試問一個月後包可

會肥。。

（美芬花下句）如果照你咁做法，容乜易會想入非非。。

（劍芳花下句）車忠伯我以為你有乜辦法，好得咁交關，你都太過唔係戲。

（忠伯花下句）我勸你地唔好過於傷感，睇你地近來瘦得幾緊要，剩係得一層皮。。不防照吓自己嘅

顏容，睇吓似唔似自己。

（的的撐，芳、芬關目力力古由慢玉快，照鏡悲介）

（食住力力古，于君卸上偷聽介）

（忠伯口古）我知你地有好多衷情，一半為着□郎，一半為着嗰個老而不死。

（于君門外關目介）

（忠伯口古）個一個正式老糊塗，老頑固，真係冇藥醫。。

（于君撞入介）

（各人大仄才介）

（于君白）爺爺爺爺，你地唔好叫我老爺（介）叫我做老而不死。

(忠伯支吾口古) 爺爺爺爺，老爺唔係唔係，老爺正式老當益壯，你睇紅粉菲菲。

(劍芳口古) 係呀，老爺，你越老越精神，後生都難及你。

(美芬口古) 恩伯精神健旺，睇你幾咁威儀。

(于君口古) 總之呢個老頑固，老糊塗，點都係唔中用架嘞，又點及得你哋後生女(介) 阿忠(忠驚

介) 你入去內堂，同我擺枝黃金鐃，快的忽延遲。

(忠伯各人驚介)(忠伯不敢入內介)

(于君白) 快去

(忠伯震下)(復持鐃上手震介呈于君介)

(于君高舉鐃欲打介，想吓又打不下手介)(力力古)

(忠伯驚至面無人色跪低口古) 老爺，老爺，我地頭先嘅言詞並非講你。

(劍芳口古) 係呀，不過我地頭先講係村頭個陳其。

(美芬口古) 恩伯，的確冇講你閒言，望你恕饒。

(于君口古) 冇冇冇，我唔係遷怒於你地，不過試吓呢枝鑊威勢何如。(花) 你係我忠良之僕，

豈有犯小小之事，我都唔會將你命喪陰司。(介)

(忠伯花下句) 多謝老爺明察，免老僕徬徨無依。

(于君花) 我而家要去他方，你同我好好料理。

(忠伯花下句) 請問老爺何方往，使唔使我跟隨。

(于君三腳橈) 不肖孩兒，犯了不端之事。我帶着黃金鑊，前往召孩兒。

(劍芳接唱) 究竟我夫郎，所犯何要事。

(美芬接唱) 恩伯要查明白，莫聽閒語閒詞。

(于君接唱) 有各路本章，告我不肖子。

(忠伯接唱三腳橈下句) 或人陷害，此事可思疑。

(忠君白) 嘖嘖，人言並非閒言亂語

(沖頭毛良上)(口古) 鍾同僚遲遲不行，究竟起程未吖。

(于君口古) 我正想登途前往，國舅何事到此，請白言詞。

(毛良口古) 冇野，鍾同僚節義可風，特此來相送你。

(于君口古) 一同趲路忽延遲。。(同下介)

(三人大水波浪介)

(劍芳禿花下句) 夫郎何罪，至今老爺怒氣如斯。。呢個國舅毛良，一定不懷好意。

(美芬花下句) 恩伯提金鑄前往，姐夫會命喪須臾。。國舅奸媚笑容，一定陷姊夫以罪。

(忠伯花下句) 喂都要設法挽救，否則少爺會命喪陰司。。但係主意全無，大眾設吓法子。

(沖頭，正宮上介)

(各人參見娘娘介)

(正宮口古) 鍾卿家是否起程，如果就真係禍事。

(劍芳口古) 娘娘有何要事，可否講俾我地知。

(正宮口古) 無錯，西宮同國舅毛良，欲把鍾將軍害死。我來通知鍾卿家唔好上佢嘅當，故此不惜奔

馳。

(三人同仄頭關目介)

(美芬口古) 恩伯正話至起程，不如趕起去追佢。

(忠伯口古) 係嘞娘娘，請屈駕一陣，待我前往講白老爺知。(沖下)

(劍芳花下句) 多蒙娘娘仗義，謝過恩施。

(美芬花句) 若果唔得娘娘通知，呢次姐夫苦矣。

(沖頭忠伯抱頭復上介)

(各人問如何介)

（忠伯云老爺古板不信，已經前往，險些被老爺打穿頭介）

（正宮花下句）我亦不便多留此處，否則惹人猜疑。你地睇吓有乜野良謀，大眾共議。（別下）

（芳、芬同哭相思介）

（忠伯花下句）哭亦無用，都係設法為宜。

（劍芳花句）身是女流，怎能拯夫郎於險地。

（美芬花下句）未婚夫亦同姐夫一處，姊夫犯罪，一定連埋受誅。

（忠伯快白杭）無法子（雙）不如你兩個即往前方去，越快就越好，千祈唔好遲，搵着你地夫郎，然

後再通訊

（劍芳快白杭）女人唔方便，獨往唔相宜，況且去前方，道途非輕易

（美芬快白杭）不如亞忠伯，同埋一齊去，你快的應承，去就要快的（雙）

（忠伯白）好喇，我陪你地同行，大家齊去（同下）

（落幕）

(第七場) (營房) (孖台大帳，衣什帥旗)

(點降唇，手下、堂旦、孝全上英雄白) 但有龍城飛將在，不教胡馬渡河山吔(快點) 百萬雄師長征慣。誓拒強敵挽狂瀾。帳下健兒多威猛。

(沖頭，左龍持首級上入門花下句) 卑職奉命斬胡蠻。刀下奇勳送上元戎一覽。(呈首級介)

(孝全仄頭看首級介哈哈白) 真威猛(雙) 先鋒戰績確堪讚，凱旋歌奏日，功蓋凌煙關(雙)

(左龍白) 敵兇殘(雙) 誓將馬革裹屍還，頭顱未可貴，誓死報天顏(雙)

(孝全花下句) 所謂萬夫莫敵，一夫當關。有此英才，管教敵人喪膽。

(沖頭，凌右虎持首級上白) 殺夷蠻(雙) 胡騎膽喪後，將士帶血還(雙)(呈首級介)

(孝全仄才看級介白) 好男兒(雙) 不斬樓蘭誓不還

(左龍右虎同白) 不斬樓蘭誓不還

(孝全左龍右虎同三搭箭介)

(食住開狂風一陣吹折帥旗介)(開邊)

(的的撐三人同仄才關目介)

(孝全哭相思介)

(左龍花下句)元戎何故淚灑征衫。風折帥旗何足慘淡。

(孝全中板霸腔下句)不祥之兆，使我淚偷彈。天下盛筵無不散。古來征戰幾人還。大功未成旗

先斬。英雄至暗擔煩。(轉工花句)莫不是天妒英才，將有臨頭大難。

(右虎口古)大帥暴風折旗時常見慣。見怪不怪自減，使乜憂得咁交關呢。

(左龍口古)大帥何必杞人憂天，令到軍心散漫。憑執血衛保山河。

(孝全花下句)好個盡憑熱血保衛河山。傳令三軍枕戈待旦。

(沖頭，王門官持聖旨上，什邊台口企定白)聖旨下

(孝全白)出迎(快小門與龍虎出跪向什邊介)

(聖旨官企什邊讀白) 旨召孝全覲見天顏，火速回朝毋得怠慢，聖旨讀罷原旨收還

(孝全白) 謝旨

(快小開門，員官什邊下介)

(孝全水波浪完姐已腔) 心驚碎(雙) 着我班師真誕

(左龍右虎同唱沉花下句) 噎吔吔，你話如何處辦

(孝全口古) 正好乘勝進攻，何故召我回朝返。

(左龍口古) 聖旨來得奇異，朝內定有權奸。

(右虎口古) 元帥若果回朝，敵人會乘機侵犯。

(孝全口古) 若然違旨，罪大如山。

(左龍口古) 將在外，君令有所可以不受，此言非泛。

(右虎口古) 需要權衡輕重，有若鴻毛泰山。

(孝全仄才花下句) 飛來急令，使我進退兩難。逆旨則欺君，回朝則城陷。

(左龍白忼) 要參詳 (雙) 國舅素來心不良，你若返京師，會誣捏你作反，若果中佞計，禍在燃眉間

(雙)

(右虎白忼) 言規諫 (雙) 我軍勝利在夕旦，先要靖狼煙，隨復平內患，寧可逆聖旨，不可便歸還 (雙)

(孝全白) 好好好好 (快點下句) 不容胡馬任縱橫。守土保民平外患。金湯固守抗天顏。傳令三

軍，飽餐戰飯。

(內白) 聖旨下

(孝全白) 又有聖旨，待我出迎

(小開門，于君捧聖旨上讀白) 孝全速速回返，不准再延耽，膽敢逆抗王命，正法在邊關 (雙)

(孝全先鋒鉞起身抱聖旨讀白) 膽敢逆抗王命，正法在邊關 (雙句) (的的撐鬥雞眼沉腔花下句) 噓

吔吔，進退兩難 (禿頭霸腔士工慢板) 問老爹，原何故，急召催還。看將來，真令人，英雄

喪膽。

（的的撐于君仄才搖頭嘆息介長句花下句）無可挽（雙）西宮國舅告你太強橫，暴斂苛求民生塗炭，幾度表章觸怒天顏，更怕你年少無知多放誕，所以為父親自到邊關。。急急莫論短長，回京速

返。

（孝全這個介口古）阿爹，我只知道效力疆場，卻忠肝義膽。何來橫征暴斂，無非國舅進讒。。可恨聖主昏庸，還重迫我回返。你重坐視不救，莫非為虎作倀啣。。

（的的撐于君氣結介吹鬚介口古）我只知為臣盡忠，君叫臣返，不得不返，你若然盡孝，跟我回還。。

（右虎口古）縱然佢肯去我都唔肯番。。

（于居先鋒鉞執孝全台口古）莫非你地聯結三軍，企圖作反。。

（孝全口古）孩子不敢，只知道誓斬樓蘭。。

（于君口古）既然不敢，何以按兵不返。。

（孝全這個介口古）眼前披露，未盡所懷（工花下句）痛陳始末，利害尤關也。（反線霸腔芙蓉中板）執銳披堅長征慣。安定鄰寇虎視眈。正在長驅迫我返。西宮國舅立心奸。我若回朝危夕旦。憑誰勇保潼關。（工花）況且岳飛十二度金牌，前事可鑒。

（左龍花下句）當朝劇，又怕重演一番。

（右虎花下句）寧可與土俱亡，不願回朝受難。

（于君龍舟）我亦知道當道奸權，不過君要臣死臣亦要，相當宋主昏庸，致有風波亭之慘。今日賢明之主，斷有覆轍重翻。況且滿朝本章，都話你把生靈塗炭。若果再抗違聖旨，更易被奸黨進讒。但憑我地代代忠臣回朝盡力諫，回朝又諫。（二王下句）若果抗旨，罪大如山。殃及魚池，滿門抄斬。

（孝全仄才合花下句）怪不得讀書容易做官難。老父咄咄迫兒火氣太猛。（介）

（左龍口古）大帥你若然縱敵回京，難免生靈塗炭。

（右虎口古）莫因愚孝，負主江山。

（孝全口古）逆父不孝，背主不忠，氣煞英雄肝膽。最惡解決忠孝難關。（秋江別中板）保邦家，

丹心未減（雙）建立功一命摧殘，難忍傷心淚偷彈

（于君秋江別中板）拚犧牲，忠心肝膽（雙）賢道之君未必聽讒（雙）

（左龍右虎同連環西皮）火遮眼（雙）若果回朝縱賊人犧牲太慘

（沖頭袁途持聖旨上沉花下句）噎吔，都自膽大非凡

（于君先鋒鉞執途手口古）同僚因何火氣得咁猛。

（遠途白）有君主聖旨，你細看一番

（于君接旨讀白）聖旨三度，父子速返，軍營大事，袁途代參（雙）（花下句）原來同僚到此代理三

關（對孝）你若再延遲後悔已晚

（孝全這個花下句）若果不返，負老父尊顏。罷罷罷，免父危難，唯聽從處辦。

(右虎重一才頓足衣邊走下介)

(袁途口古)好，你火速回朝，帥印交途代辦。

(孝全口古)今晚漏夜將兵符交代，明天正起行。

(左龍口古)你決意回朝，真係言之可嘆。

(于君白)住口(口古)請代帥暫往後營安息，因為你飽露風餐。

(袁途口古)須要及早交代分明，勿再多留時間。(衣邊下介)

(孝全口古)英雄志短壯士無顏。(花下句)未除外侮，先自摧殘。揮淚別三年，能無悲嘆。

(沖頭，步將上白)大帥不好，右先鋒後營自盡

(孝全白)左右扶他出來

(步將手下扶右虎重傷胸掛及屍諫長鑼鼓上介)

(孝全口古)問句右先鋒，因何弄成咁慘。

(于君口古) 點解自盡，血染征衫。

(左龍口古) 佢未必冇苦衷，作此移屍諫。

(右虎口古) 捨身取義雖死猶生，可知今日存亡與敗，盡在一息之間。匈奴獨忌大帥一人，若你回朝，更加無忌憚。況且滿朝奸黨，恐會有去難返。又怕重見風波亭事，故我盡忠屍諫。(的撐死介)

(食住的的撐各人關目定哭相思介)

(左龍白杭) 真淒慘，確淒慘，大帥一去軍心散，大帥回朝後，誰個挽狂瀾，先鋒曾盡義，仔細要詳參(雙)

(孝全白花) 這個嗎(介) 此情此景，氣煞于煞。先鋒為我身亡，能無愧赧。君能仗義，血債血還。
我願死在沙場，先鋒亦能閉眼。

(左龍手下唱喎呵助威介)

(于君水波浪先鋒鉞執孝全手台口介)(恨填腔)鬧畜生(雙)(白杭)你是違君父，決意誓不還(雙句)(曲)你好膽(雙)

(孝全前腔)我不應返(雙)(白杭)回朝亦死，不如戰死在邊關(曲)心如赤丹(雙)

(左龍前腔)真威猛(雙)(白杭)將軍百戰死，壯士十年返(雙)(曲)不避畏難(雙)

(的的撐于君沉花下句)噎吔，氣到我眼坦坦(口古)有口官員個個話你心作反。所以召回朝上審訊一番。若你抗旨不回朝，罪名更難邀輕減。你辱及祖宗，我惟有死在你身間。(闖死介)

(孝全攔介花下句)可憐我老父愚忠愚頑。惟有父命遵從，以免天愁地慘。(白)老爹不用要生要死，孩兒願去了

(于君白)喊吔好，且退後將帥印交代清楚，明天取道回朝，兩傍退下

(于君、孝全、步將、手下下介)

(左龍水波浪介花下句)大帥已去不禁涕淚闌珊。半壁山河，前途可嘆。

(沖頭，劍芳、美芬、忠伯入營介)

(劍芳執左龍先鋒鉞台口口古) 問一聲未婚妹夫，我郎是否回朝返。

(美芬口古) 我地聽此噩耗，所以趕到此間。。

(忠伯口古) 佢唔去就福祿壽全，去就陷家劇。

(左龍口古) 現齊集後營交代，明早就起行。。

(劍芳口古) 不可延遲，立即進後營規諫(介)。

(左龍口古) 你無謂進去，佢老豆極之愚頑。。

(美芬口古) 唔通佢袖手旁觀，見死都不挽。

(左龍口古) 你睇右先鋒也曾死諫，佢立意好難推翻。。(指右虎屍介)

(各人仄才見右虎屍介)

(忠伯長句花下句) 真正慘(雙) 呢位老友先去賣咸鴨蛋，為勸大帥命摧殘，點能不得氣一啖，當堂

激壞我呢條老坑。。又霎時計上心頭，我有法子救挽。

(劍芳白杭) 忠伯有何謀，請講明一旦

(美芬白杭) 忠伯素來多計智，或者有得扳

(忠伯口古) 唔係誇大口，講出包你話我啱，分兩路進行，你先入去勸諫(指芳) 得就唔使講，唔得

再由我負擔，我同理你芬妹咁樣(對芬附耳介) 你話棧唔棧(雙)

(附耳各歡悅介)

(劍芳花下句) 一於依計行事，各路而行。。

(芳、龍同衣邊下)

(忠伯、美芬什邊下)

(落幕)

(第八場)

(後營房景)

(開邊起幕)

(慢花，孝全上唱) 奉旨召還後方，已經交代清楚。家嚴苦苦相迫奈於何。進退兩難心摸摸。(介)

(快花，劍芳上花下句) 我尋夫婿說言葛。是否真來問過。(介)

(孝全口古) 哦，原來係嬌妻，幾時嚟咗。

(劍芳口古) 我今天才到，不惜跋涉奔波。

(孝全口古) 究竟何事到來相訪我。

(劍芳口古) 聽聞奉旨即返朝綱。

(孝全口古) 我交代已完，想話慢的都唔得，亞爹催到我急如星火。

(劍芳口古) 郎你不去為是，前途危險多。(花下句) 你番去就非常危險，待我對你說白無訛。(中

板) 皆因為，正宮娘娘，有日到我堂來坐。佢話國舅爺，心懷忌妒，想法你命見閻羅。慫慫

王，召你返朝中，胡言駕害。勸郎君，應要小心為上，免受災磨。暫避一時，不返朝堂，把
難關避過。(介)

(孝全二王下句) 嬌你拳拳盛意，感謝良多。我抗拒奸佞，何須避躲。理直氣壯，何要懼地網天羅。

我要對質金鑾，唔返為錯。(介)

(劍芳乙反龍舟) 言再啟，淚如梭。望郎憐念呢個苦命嬌娥。若果回朝佢一定將你結果。我青春年
少，點我點樣收科。呢種愚孝愚忠，奴以為不可(雙句)。(轉二王下句) 應留身以為國枕戈。

你為己為公，亦要從奴避禍。

(孝全仄才合尺花下句) 妻你無須過慮，我定將奸賊誅鋤。總知聖難違，你唔好再將言來相阻。

(沖頭，于君上仄才口古) 家嫂你黎到前方，有乜事情因乜傢伙。

(劍芳支吾口古) 爺爺爺，老爺冇野，不過我見郎佢寒衣未備，故此將衣服送來俾孝全啫

(孝全口古) 係係係，亞爹我妻係送衣到來，係我寫信番去叫擺。

(于君仄才另場口古) 睇佢地冤冤氣氣，响處就障礙多。(介) 家嫂呢的地方唔能夠多逗留，你留親响處就有錯。你若果重唔離去，唔認你係亞全嘅老婆。

(的的撐，劍芳頓足苦走下介)

(于君口古) 乖仔，你有冇聽我言詞，將公事交代清楚。

(孝全口古) 通通交代曬咯，是否即返朝歌。之咁嚟，亞爹，奸賊佢地虎視眈眈，無非想陷害我。

如返去有乜其他事故，亞爹要為我拍和。

(于君花下句) 總之理直氣壯，何懼佢奸勢如何。求其亞爹响朝中見有唔妥之時攪到妥。

(孝全花下句) 既然如此，即速返朝歌。(下)

(落幕)

(第九場) (街景)

(開邊開幕)

(忠伯捧鍾孝全靈位鮮花生果祭品上)(長句花) 唔係癲，唔係廢，為諫少爺，故此施妙計，番親嚟
佢嘅生命就的確危，故此街前擺路祭(介)。心生畏(雙) 又怕佢騁起想嚟，佢脾性生來夠啲
嚟，又慌呢個食飯傢伙，慢吓手就會改低(介)。你睇我身穿孝衣捧靈位。

(寶子擺靈位介)(獨介)(忠口古) 呢條路少爺番嚟必經，便會上前睇一睇。如果睇見靈位，一定大
發其威。如果佢追究之時，我就專登嚟翳佢一翳。激起佢把火，便會將奸細埋。(一才)
細聽前邊好似馬啼聲細。等我暫時躲避，睇過係唔係佢嚟。(下)

(大滾花，孝全打馬，手下同上唱下句) 一路花香襯馬啼。玩賞無心，因我滿懷悲翳。(反頭見靈
位)(白杭) 邊個咁好禮(雙) 街頭來擺祭，死者是何人，待我上前嚟睇一睇(雙)(白) 鍾孝
全靈位(雙)(反頭花下句) 敢將本官戲弄，邊一個王八烏龜。侮辱本官，應將他命斃。(白)

眾左右，你地搜查林中，看有誰人在此

（力力古，手下拉忠伯上跪下介）

（孝全反頭認得口古）喂，呢個靈位同我同姓同名，究竟係我唔係。

（忠伯口古）如假包換，並有指東畫西。

（孝全一拍轉身石榴花中一段）真令我心中翳（雙）你立了心腸竟將我當鬼

（忠伯口古）唔關我事，另有一人主謀架

（孝全白）邊個主謀快啲講

（忠伯口古）若果問邊一個主謀，就係一個女仔。

（孝全口古）到底係邊一個女仔咁荒唐，佢係你乜野人，同你有何關係。

（忠伯口古）呢佢就响林中，如果想見佢之時，要斟茶然後佢鬧你詢你怨你教導你指點你，你肯唔肯

自降聲威。。

(孝全仄頭花下句) 究竟悶葫蘆賣乜野藥，真令我意亂神迷。忠伯你同我請佢出嚟，我寧願低頭下禮。

(忠伯衣邊力力古帶美芬上介)

(孝全仄頭白杭) 我估邊一位(雙) 原來係□姨，因何得咁無稽，呢個生人竟然當死鬼(雙)

(美芬花下句) 你人未死，良心已死，你早置身污泥。我憐惜英雄，故叫忠伯來擺路祭。

(忠伯白杭) 言再啟(雙) 今日你係人，明日你係鬼，而家趁未死，食番件白切雞，知你最歡喜，食

桂林馬蹄，食呀快的食喇，我戩你慘淒，你慘過入豬欄，喊聲就一世(雙句)

(孝全仄頭二王下句) 君叫臣死，臣不敢有違。壯志精忠，奸權不畏。

(美芬辛苦仙姐自爆小曲或中板一段)(其意云：你返入虎口必死，而於事無補，欲盡忠而不忠，不

如暫時逃避，待機會殺奸救國，方是忠臣介)

(孝全花下句) 你須然講來有理，我不能違命不歸。盡孝盡忠，寧作刀下之鬼。(介)(鞭馬欲行介)

(忠伯口古) 少爺，你此去朝中一定命斃。

(美芬口古) 姐夫，你呢的愚孝愚忠，太過舌虧。。

(孝全口古) 英雄豈有畏他人，生死更所不計。唔好再攔我，更唔駛替我身危。。(鞭馬下介)

(兩人攔不及介)

(美芬哭相思介)

(忠伯花下句) 唔得又試第槓，暫且番去歸。。(安慰下介)

(落幕)

(第十場)

(金殿景)

(開邊開幕)

(帥牌，西宮、正宮、毛良上請出漢王介)

(小開門，手下、宮女、漢劉王上介口古) 眾卿催孤臨朝，有何本章上奏

(正宮口古) 鍾尚書父子回朝，候旨於午門中

(劉王白) 既然如此，國舅傳他上殿

(毛良宣旨介)

(快點，于君孝全上介，于君唱) 執行國法無枉縱。丹心保國是吾衷。舉舉舉金鑾步動。

(二人參見，孝全跪伏介)

(劉王口古) 噓吔，我把你個殘臣鍾孝全，點解你行為得咁放縱。強抽百姓復縱部下行兇。你不忠

於國家，枉孤王將你重用。你知否罪大惡極，罪孽重重。。

(孝全禿頭長句花下句) 忙稟奉(雙) 微臣豈敢權妄用，丹心報國謝恩隆，慄慄自持誠惶誠恐，主上
你查明白便知我天下為公(介)。。我的確有做過不法嘅事情，或者有奸人從中播弄。

(毛良花下句) 人言嘖嘖皆話你縱部屬行兇。。有各路本章為憑，皆指你心存妄動。

(于君花下句) 孩兒不肖，國法難容。。望主上查白查明，務求無枉無縱。

(劉王仄頭花下句) 恕卿忠良數代，立不少之功。。好喇，將佢革去官銜，永不錄用。(白) 將他妙
帽除下，差他下去

(于君花下句) 主上不定佢死罪，更放佢出牢籠。。確是廣大為懷，微臣謝主恩寵。(介)

(沖頭王門官上參見介)

(劉王問何如介)

(王門官云有番將呈書朝見，請主上定奪介)

(劉王白) 宣他上殿

(王門官下復帶上番將介)

(劉王口古)你狼主差你到來，有何書函帶送。

(番將口古)有書函一紙，一看便知內容。

(劉王持信讀白)書上漢王，良言相勸，興師啟刃，皆是孝全，將他人頭，殺來奉獻，干戈盡化，最

後一言，匈奴王上(白)你先下去，等候再行答覆

(番將領命下)

(劉王這個介另花下句)真個是迫人太甚，可奈圍困重重(介)。鍾卿家，你舒此書函，看明種種。

(于君持信讀介，的的撐叻叻古仄頭叻場花下句)觀此迫人信書，令我悲憤五中。真個是主意全無，

又怎忍將孩兒命送。

(毛良口古)鍾同僚，你一向自稱忠君愛國，點解國家有事，你詐耳聾。

(于君仄頭翳介)

(正宮口古)鍾少卿自從調左回朝，敵人乘虛妄動。往日敵人不能越雷池半步，皆鍾將軍威武之功。

既然要鍾將軍嚟苟安，不如將佢錄用。等佢將功贖罪，而且解去圍困重重。

(劉王、于君關目介)

(西宮口古)亡羊補牢，經已唔中用。敵主聲明殺去罪首，免至遺禍無窮。

(劉王口古)真係進退兩難，鍾卿你有何感動。

(于君仄頭口古)既蒙主上經赦無罪，又怎忍將佢命歸終。

(毛良口古)鍾同僚，你一向做事英雄，點解一時就懵懂。須知食君之祿就要為國盡忠。況且犧牲

你個仔一人，可救得全國大眾。佢若果係要愛我個人頭，我亦願命喪九重。

(的的撐，于君沉花下句)噏吔，我惟有為國依從。(頓足下介)

(毛良花)好一個為國忠良，真是不負國家祿俸。(關目介)(歡喜介)

(劉王花下句)若無事奏，即退後堂。(眾同下介)

（落幕）

(第十一場) (廳堂景)

(滾花，劍芳上唱長句工花) 心懸念(雙) 夫婿封侯奴不願，檀郎帶罪上金鑾，禍福吉凶常幻變。未

知我妹能否計週全。心望愁城，轆轤百轉。(埋位介)

(地錦，忠伯、美芬垂喪氣上入門介)

(劍芳口古) 問聲忠伯，美芬，到底攪成點。點解你地垂頭喪氣，又唔見我夫回旋。

(忠伯長句工花下句) 攞唔掂(雙) 攞到我兩個無彎轉，扮鬼扮馬勸孝全，點知條老坑真討厭，迫仔

上殿真該尊。呢躺九死未有一生，你買定棺材來收殮。

(劍芳哭相思介)

(美芬花下句) 家姐亦無謂咁心酸。惟望佢趨吉避凶，生機一線。

(忠伯花下句) 都係我一時講錯，亂說無端。佢本來實死不生(一才) 但係么雞都會有變。

(忠伯、美芬二人安慰劍芳介)

(快點孝全上唱下句) 速返家裏會嬋娟。◦ 舌戰奸賊生得免。(入門介)

(劍芳五才見孝全歸喜介白杭) 喜歡見(雙) 我郎無恙整歸鞭

(忠伯白杭) 為何端(雙) 乜咁好彩唔歸天(雙)

(美芬白杭) 太該尊(雙) 家姐為你好心酸(雙)

(孝全白杭) 謝嬋娟(雙) 謝嬌情比鐵石堅(雙)

(劍芳花下句) 我郎你幸得返家園。◦ 你帶回朝何以得免。

(孝全口古) 國舅誣我尅扣軍糧，苛征暴斂。結果全無証據，所以得雪其冤。◦ 貶作庶民，此後不誤

冠冕。此後香閨長伴，我更覺安然。◦

(美芬口古) 好咯姐夫，無官一身輕，此後家姐艷福不淺。

(忠伯口古) 好就好咯，但有件事幹都好厭尖。◦

(劍芳口古) 乜事咁驚人，令我心如中箭。◦

(孝全口古) 尚有何憾事，你快說其端。

(忠伯口古) 因為你翁媳不和，家庭唔係幾妥善。

(美芬口古) 係呀家姐，你的確要委曲求全。

(劍芳口古) 我雖婦道遵從，又怕佢心懷前怨。

(孝全口古) 問聲忠伯，有乜法子解親嚴。

(忠伯花下句) 依我方法，你兩個寫下悔過書篇。你亞爹素性愚忠，搵頂高帽笠到佢軟。

(孝全仄頭花下句) 果然善法，即劇寫定書先。

(各人埋正面孝全寫書介)

(高邊鑼大首板一句)(于君內唱) 怒氣沖冠回家轉。(四古頭三吓大沖頭執刀口髮搽油上唱包才花下

句) 剛刀無眼要殺兒孫。君不可違頭寧可斷。相殘骨肉，知我者是蒼天。殺子捧君王，忠

心赫顯。(入門大仄才介)

(孝全、忠伯、劍芳、美芬同仄才驚慌推磨介)

(于君白) 殺(沖殺孝全掩門托腳，忠伯各人托刀同扎架介)

(孝全連環西皮) 因乜端(雙) 不肖孩兒，何有不檢

(美芬、忠伯、劍芳同沉花下句) 噏咁咁，望你哀憐。

(于君口古) 我殺便盡忠，你雖恐無怨。總之要死便能忠孝雙全也。(起救弟排子一段，芳芬伯居

中攔介，收排子連隨開邊，孝全取台上悔過書跪呈看介)

(于君食住舉刀欲破下，大仄頭看書讀白) 父仁母慈，家聲赫顯。子忠媳孝，遺芳萬年。(仁慈忠

孝四字寫紅色)

(于君仄才工花下句) 念到子賢忠媳孝，不禁心似油煎。父母仁慈，點能將他一刀兩段。

(孝全木魚)(乙反) 孩兒何罪，要受刀下之冤。已得君王恩赦，何事觸犯尊嚴。

(劍芳接唱) 縱使觸犯尊嚴，亦當求憐念。繼承祖業，有賴兒孫。

（美芬接唱木魚）你父子深情何仇何怨。相殘骨肉見笑人前。。。

（忠伯木魚）你要想透想通，咪咁火氣燄。將來無人斷後，抱恨於天。。。

（于君接木魚）怎奈君命難違，致有兒你作賤。固捨人頭一個（轉二王）可以息靜狼煙。。斬子盡忠，

肝腸寸斷。（拉腔相思介）

（孝全口古）亞爹，誰人奏本章，要將我人頭獻。

（于君口古）若使匈奴兵退，要你命喪黃泉。。。

（劍芳口古）呢的無理要求，莫受他人所騙。

（美芬口古）一定又係奸賊作怪，故弄虛玄。。。

（忠伯口古）若果人頭可以退敵，重使乜的士兵經百戰。

（于君口古）君要臣死，夫復何言。。（花下句）伴君尤似伴虎眠。。進退兩難，如何打算。（想介）

（沖頭毛良上口古）鍾同僚，主上命你斬子存忠，你何曾如願。

(孝全白) 呸(口古) 你進讒誤國，把聖旨倒顛。

(于君白) 住口(口古) 國舅，我若不捨得親生，我就唔誇在金鑾大殿。

(毛良口古) 係係係，我亦素知你話得到做得到，忠義雙全。古人一命救全家，世間少見。何況一

仔救國，真係義薄雲天。(介)

(的的撐，各人切齒毛良介)

(于君花下句) 忠昭日月，義薄雲天。大義滅親，將兒命殞。(沖殺孝全介)

(劍芳、美芬攔阻介)

(孝全花下句) 無名火上達重天。罵一聲國舅毛良，立心大險。

(毛良冷笑介花下句) 今日禍由你起，攪到烽火連天。實在你抵死有餘，同你講都畀面。

(劍芳花下句) 你是非顛倒，恨不能將你肉拆皮煎。司馬昭之心，路人皆見。

(美芬花下句) 實在與你有何仇恨，你因住收尾兩年。狗肺狼心，害人不淺。

(忠伯先丰鉞拍孝全膊介)(口古)公子迫虎跳牆，圖窮匕現。佢既不念你為子，你亦毋念親嚴。

佢有把刀你亦有把劍。趕狗入窮巷，何必搖尾乞憐。

(的的撐，于君、孝全關目介)

(孝全花下句)英雄氣短，骨肉情牽。亞爹你朋比為奸，莫怪孩兒反面。

(于君連環西皮)火沖天(雙)不肖孩兒，將你一刀兩段

(美芬、劍芳沉花下句)噏吔，老爺你可憐。

(于君拍孝全轉身冇頭雞碌入場追入介)

(忠伯、美芬、劍芳欲追入介，毛良攔住介)

(內場三才鑼鼓于君內哭相思介)罷了乖仔呀

(的的撐，忠伯、美芬、劍芳同氣倒介)

(食住力力古，于君捧首級上介)

（食住力力古，美芬、劍芳、忠伯睅眼醒介）

（先丰鉞，抱首級哭相思介）

（毛良抱倒首級介）

（劍芳連環西皮）心火煎（雙）把你個奸臣，黃泉路見。（先丰鉞咬毛良手圓台介）

（毛良先丰鉞執劍芳擰轉身跌地暈倒介）

（毛良沉花下句）噎地地，你膽大包天。。（快花上句）你想殺國戚王親，償你一劍。（開邊欲殺介）

（于君先丰鉞攔介花下句）國舅息怒，快走為先。。罪不及妻孥，同你速上金殿。（同毛下介）

（忠伯快花下句）快些搵藥救嬋娟。。

（美芬取藥灌醒劍芳介）

（快合尺首板劍芳唱）肝腸苦斷（雙）（醒介哭相思合尺花下句）我郎被害，我亦不願生存。。創死

當剮，不留殘喘。（先丰鉞創死介）

(忠伯、美芬同攔阻介)

(美芬的的撐快長句乙反二王) 心酸腸斷，腸斷心酸，飛來橫禍暗淒然，莫過悲傷花容損，執仇有日殺奸權，家姐節哀還順變，除圖善後，況且佢屍首不完。守孝結廬，方為上算。

(忠伯乙反二王下句) 事勢如此，惟有忍痛含酸。入去後堂，把你夫骸收殮。

(劍芳合花下句) 淒涼慘切，哽咽喉咽。霎時之間，天旋地轉。(鑼鼓嘔血暈倒介)

(忠伯白杭) 手又忙，腳又軟，唔知還魂丹擠嚮邊一便，等我入去搵吓先(雙)(衣邊沖下)

(五更頭，正義背打馬上花下句) 別卻師父返家園。搵着嚴親來拜見。(介) 因何嫂嫂暈倒在堂前。

鴉鵲無聲有何事變。

(忠伯取藥上介)

(正義口古) 忠伯，嫂嫂暈在堂前，因何事件。

(忠伯口古) 唔好講住，救醒佢先。(灌救介)

(銀台上一句) 芳芬醒介哭相思介)

(正義花下句) 嫂嫂因何事得咁淒涼，有甚麼冤情睇你淚流滿面。

(劍芳花下句) 二少，你唔好問喇，越問越心酸。你亞哥愚忠愚孝，經已含冤鬼殿(介)。

(正義哭相思完花下句) 究竟因何事，點樣死法快些講白本本原原。

(美芬白杭) 呢件事件(雙) 國舅毛良心陰險，謀害你亞哥命歸天

(忠伯快白杭) 佢串同那匈奴，修書暗算，你父親不察，定要佢將忠孝全

(劍芳白杭) 將你亞哥頭顱向匈奴奉獻，含冤確不白，怎不哭聲喧

(正義白杭) 既有此冤情，的確唔甘願

(忠伯白杭) 你怕唔怕金鋼，頭殼都扑穿

(正義白杭) 為報哥冤仇，金鋼都拗斷，快的隨去金鑾殿伸冤(雙句)(同入)

(落幕)

(第十二場) (金殿景)

(開邊開幕)

(快點，于君手持首級上，于君唱上) 忍痛犧牲愛子。迫於無奈自淒其。同到金鑾朝聖主。(白)

有請主上

(小開門，劉王，堂旦上介)

(于君白) 啟奏主上，業將臣兒殺卻，請主上一觀

(劉王白) 命內臣拿了首級交與番將追兵

(手下持首級下介)

(劉王花下句) 卿家忠列世稀。寧甘滅親，真是深明大義。

(沖頭，王門官上口古) 曾經將鍾將軍頭顱送到番營去，誰料佢卻不將兵退去，重一路殺到京城

(劉王仄頭花下句) 如果係咁，就令我驚奇。又唔肯退兵，真令我五中無主。

(于君花下句) 領野，領野真令我傷悲。國舅你太有陰功，至令我兒枉死。

(毛良花下句) 賴我就好笑嘞，乜你亂說言詞。匈奴佢唔肯退兵，唔關我事。

(沖頭王門官上口古) 主上不好，朝外有個英雄叫做正義。帶埋一男二女，重惡過一隻獅。怒吼金

鑾，話要找主上悔氣。御林軍卻不敵，因為佢武藝出奇。邊個都唔敢攔阻，碰親都跌三丈幾。

(一才)

(劉王驚至跌倒口古) 邊一個咁斗膽如斯。

(于君震介口古) 呢呢呢個非係邊個，就係我第二個孩兒。待將他責難，君王無恐無懼。

(力力古，正義陀劍、忠伯、芳、芬同上介)(齊白) 把你個昏君昏君昏君昏君

(于君口古) 畜生，你嚟到金鑾，休得咁放恣。我時時教你忠孝，膽敢不聽我言詞。

(正義口古) 君不敬臣臣不忠，亞爹你讀過呢句喇。

(于君仄頭不能言介)

(忠伯口古) 大條道理，啞口無詞嘍啷。

(劍芳口古) 可憐我郎不幸慘死。

(美芬口古) 替姐夫雪恨，要將奸賊清除。

(劉王口古) 唔使惡得咁交關，慢慢至講道理。

(于君口古) 主上知道殺錯咗你大佬(半句)

(正義口古) 而家悔恨遲咯。。(快霸腔芙蓉下句) 佢場場勝利，勝利反為喪陰司。。大亂金鑾，替

佢出氣。

(劉王快芙蓉下句) 惟有打齋超度，等佢早到瑤池。。對住你幾人，認番句不是。

(劍芳接唱) 奸賊誤國，應份碎屍凌遲。。雪恨仇應份事。

(美芬接唱) 想殺奸賊，國舅應誅。。割他人頭，慢慢至講道理。

(正義先丰鉞執毛良介)

(于君執劍介)

(毛良驚白) 尚書救命呀

(于君口古) 乖仔，為父時時教你忠孝兩字。你係咁不忠不孝，令為父怒目睜眉。。國舅縱有罪名，

要奏明天子。慢慢開堂審訊，判斷是非。。你妄作妄為，罪難饒恕。傳家錮，要你命喪須臾。。

(正義口古) 傳家金錮乃係打不肖兒孫，應該打你自己。你殺忠臣誅孝子，罪大難辭。。

(于君的的撐力力古口古) 一番議論搏到我啞口無詞。。人恐不能復生，係唔係迫老豆死。(三批)

(沖頭，左龍上介白) 參見主上

(劉王口古) 左先鋒你回朝令王歡喜。匈奴如何行動，快奏王知。。

(左龍長句花) 奏王知(雙) 國舅私通匈奴該萬死，主上不察受佢所愚，並非胡言有証據，主上睇個

封通賊書。。(呈書介)

(漢王仄頭看完白) 可怒也(花) 罵聲毛良你個亂臣賊子。

(毛良口古) 今日知錯難翻，望君王饒恕。

(于君口古) 主上要挽佢個心肝嚟祭我兒。

(忠伯口古) 先鋒(指左龍)你點樣沖得入城咁本事。

(劍芳口古) 係呢聞得包圍嚴密，點入得城池。

(美芬口古) 郎亞，快向眾人面前講吓你嘅本事。

(左龍口古) 大帥被切脫，我知道滿佈險機。帶一隊兵將匈奴監視。出其不意返京師。沖入重圍

向君王請示。裏應外合可把狂賊驅除。

(正義口古) 主上我願解圍請把國舅鎖起。等我提埋賊首作奠儀。

(劉王口古) 鎖起毛良慢作處置。

(手下鎖毛良介)

(左龍口古) 鍾好漢，我同你退敵(半句)

(正義口古) 義不推辭。。(四古頭同龍下)

(劉王口古) 鍾老卿，你個仔確英雄，相貌同大仔無異。

(于君口古) 係仔仔一對，五年前學藝從師。。(上前對芳) 家嫂，我往事太過古板得交關，認真對

你唔住。

(劍芳口古) 唉，經已鑄成大錯，我尚有何辭。。

(美芬口古) 好彩得雪拔沉冤，消左啖氣。

(忠伯口古) 若誅國舅重要殺埋個奸妃。。

(劉王口古) 此乃理所應當，你地無須介意。

(沖頭左龍正義持首級下介)

(正義口古) 匈奴已滅，殺退蠻兵(呈級介)

(左龍口古) 殺了賊將軍首級呈上觀視。(呈級介)

(劉王三搭箭口古) 兩卿英雄蓋世，令孤歡娛。
(花下句) 待為王過府祭奠，撫慰英兒。

(尾聲) | 煞科 |